

2. Posté le 27 janvier 2018 :

-----  
Etides quran et hadiths (révisé, édité et amendé)

Eski bon dieu pou éna l'ombraze zour qiyamah et le prophète, ki zist enn zome, li pa ti éna l'ombraze ? Eski prophet pli supérieur ki bon dieu, tandis ki li, nou dire, li pli supérieur ki tous ?

لَيْسَ كَمِثْلِهِ شَيْءٌ ط

Péna naryen ki pareil kuma li (42/11).

وَهُوَ الْقَاهِرُ فَوْقَ عِبَادِهِ ؕ

Li mem dominatèr suprême lor so bann servitèrs (6/18, 61).

Incroyable, mais eski li vrai ça ? Ou bien enn légende ça ? Bann ki kroire la dan enfoncé pli bien dan légende là !

A nou analyze bann faits :

Dan bann hadiths ki mo finn cités pli loin là, nou truvé ki bon dieu ou bien so trône pou éna l'ombraze ça zour là. Mais prophet, bann sunnat jamaat dire, li péna l'ombraze pou bann raizons ki zott rakonté et bann zistories ki zott relaté. Par Xemple, nou gagne bann zistories kuma :

1. Prophet inn kré ar nur (limière) ou bien nur bon dieu (nurullah), à koz ça li péna l'ombraze.
2. Kan prophet ti né, so mama, Aminah, finn fer enn rêve et enn la voix finn dire li ki li pou mette au monde enn maître de la nation (li ti koné ki pou éna nation mizilmane malgré ki li ti enn infidèle) et ki enn limière pou sorti dépi li et pou ékclair Bassora kan li né.
3. Aminah inn supposé dire : Mo finn truve, la nuit kot mo ti met li au monde, enn limière ki finn ékclair bann sâteaux la Syrie.
4. Enn lot récit ki dire ki au moment de la naissance de Muhammad, li finn truve so la kaz rempli ar la lumière.

Kan mo pou vine lor ça bann kestions là, ler là mo pou mentione bann hadiths/récits kot li finn dire ki li finn kré ar la limière bon dieu et c 1<sup>e</sup> kitsoze ki bon dieu inn kré, c la limière Muhammad. Nou pou get bann hadiths lor 1<sup>e</sup> kitsoze ki bon dieu inn supposé kré. Ler là nou pou koz lor sunnat jamaat so konception.

Zott kapav chek ça référence là : <https://www.quora.com/Did-Muhammad-SAW-not-have-a-shadow...>

Ça c bann zistories pou fer dimounes dormis diboutes ! Zott enkor pou dormi diboutes ?

Dan [sunnah.org](http://sunnah.org), enn site pirema sunnat jamaat, éna quatre récits (*athar*) finn mentionés (pa hadiths, parole prophet, kar prophet là pa finn dire de telles sozes kuma : mo péna l'ombraze ou bien mo l'ombraze pa touche la terre mais li touche le ciel etc.).

Ena enn 2<sup>e</sup> katégori ki dire ki éna récits (*athar*, pa hadiths) kot li dire ki prophet là ti éna l'ombraze. Get récit de Aisha.

Lors <https://islam.qa>, inn donn enn réponse à ça :

Toutefois, éna bann les otes narations ki indik ki prophet pa ti éna enn l'ombreze.

<https://islamqa.org/hanafi/daruliftaa-birmingham/20042>

Et li finn mentionne récit de Aisha.

Finalema, la bataille kontinué concernant prophète là : eski li éna l'ombreze ou li pa ti éna. Bon dieu ki parfê, péna aukaine défo, li pou éna l'ombreze tandis ki so prophet pa pou éna.

Le but de ça message là, c zist pou montré ki bon dieu (ki tous dimounes kon li kome parfê, li en pendant lors so trône ou li asizé lors trône là, li partout, li pieds kroisés, li pa bizin place etc. etc.) li pou éna l'ombreze zour qiyamah. A b mo pose 1 kestion :

Ki kitsoze ki pou fer li gagne l'ombreze : soleil ou la lune ? 2 kitsozes ki fer enn objet éna l'ombreze ! Mais éna dire li bon dieu li enn limière et li éna so propre l'ombreze. Inkroyab ça !

Mo pen c ni soleil, ni la lune pa kapav fer bon dieu, ki dan enn l'état solide d'après deskriptions ki hadiths donn li, gagne l'ombreze. Mo p dire ça pou bann raizons suivants :

Zomes kapav get soleil (a travers enn appareil ou enn linet soleil, ou bien la lune à l'œil nu). C parski zott truve avan le ciel ki pli pré ar la terre, selon bann mizilmans. Ente sak le ciel, éna enn distance de 500 l'années voyazes (marsés parski ler quran ti pé vini, pa ti éna navette spatiales, koiki nou koné ki enn navette pa pou kapav alle ça distance là).

وَمِنْ كُلِّ سَمَاءٍ إِلَى سَمَاءٍ مَسِيرُهُ خَمْسُ مِائَةِ سَنَةٍ

Ente sak 2 les ciels, éna enn distance de 500 années de mares ou de voyage (*tirmidhi : vol. 5, book 44, hadith 3298 ; ahmad : vol. 2, page 292, hadith 1770 ; abu ya'la : vol. 12, page 75, hadith 6713*).

إن بُعد ما بين السماء والأرض، وما بين سماء إلى سماء، مسيرة خمسمائة سنة

Distance ente le ciel et la terre et ente sak le ciel, c enn mares ou voyage de 500 ans (*al bahr al madid : vol. 4, page 387*).

أَنَّ كِتْفَ كُلِّ سَمَاءٍ خَمْسُ مِئَةِ عَامٍ، وَمَا بَيْنَ السَّمَاءِ وَالْأَرْضِ: خَمْسُ مِئَةِ عَامٍ.

Distance ente sak le ciel c 500 années (de voyage). Ente le ciel et la terre éna 500 ans (de voyage) (*tafsir Uthaymine : page 36, et li atribué ça a tirmidhi*).

Si enn dimoune – kuma prophet là – envie alle lor 7<sup>e</sup> ciel – kuma finn éna ler soi disant li ti alle fer mi`raj, li bizin voyazé pendant 9, 325.75 jours ou 466, 287.5 jours (1 jour = 24 heures – 9, 325.75\*24 = 223, 818 heures ou 466, 287.5\*24 = 11, 190, 900 heures). Mais zott prétann ki prophet là, en enn klin d'œil, li finn allé et vini. So krossé ti enkor pé balancé ler li retourné. Zott kroire dan ça zistoire là zott ? Nou finn gagne ça chiffre là kome suit :

500\*7 (distance ente la terre ek 1<sup>e</sup> le ciel et ente 6 les ciels) = 3,500 bananés.

3,500\*365 (jours) = 1, 277, 500 jours.

Si nou kalkil 1 zour pou bon dieu = 50,000 bananés pou nou, ler là nou gagne :  $1,277,500/50,000 \times 365 = 9,325.75$  zours.

تَعْرُجُ الْمَلَائِكَةُ وَالرُّوحُ إِلَيْهِ فِي يَوْمٍ كَانَ مِقْدَارُهُ خَمْسِينَ أَلْفَ سَنَةٍ

Bann anzes et l'âme pou monte vers li dan enn zour ki ékivale 50, 000 bananés (70/4).

Si nou kalkil 1,000 mois kuma dan ça verset kontradiktoire là, ler là nou gagne :

$1,277,500/1000 \times 365 = 466,287.50$  zours.

ثُمَّ يَعْرُجُ إِلَيْهِ فِي يَوْمٍ كَانَ مِقْدَارُهُ أَلْفَ سَنَةٍ مِّمَّا تَعُدُّونَ

Ensuite zott monté vers li dan enn zour ki ékivale 1, 000 bananés c ki zott kompté (32/5).

Zott imazine zott prend ça kantité les temps là pou alle zoine bon dieu lor 7<sup>e</sup> ciel, ki asizé lor so trône et ki paradis, soi disant, truve là bas mem !?

Aster là, si nou d'akord ki soleil ek la lune avan 1<sup>e</sup> ciel, ki pli prêt ar la terre), kuma zott éklairaze pou kapav fer bon dieu gagne l'ombraze position kot li été et ça distance ki li été là ? Logikma, soleil en bas et li la haut, kot so l'ombraze pou été pou li kuver ça bann dimounes ki prophet finn mentionné dan hadith là ?

Mo saizi l'okazion pou get ki bann versets quran dire lor soleil ek la lune zour qiyamah là :

وَجُمِعَ الشَّمْسُ وَالْقَمَرُ

Soleil et la lune pou rasemblé (réuni) (75/9).

Ki vé dire rasemblé ou réuni ? Eski zott pou vinn enn sel ? Kuma 2 kitsozes ki zott états c solides, pou réuni ensame ? C à dire, soleil et la lune pou vinn enn ! Eski soleil ou la lune pou kit so l'orbite pou alle zoine lot là ? Eski mo finn bien comprend ça là ? Ou bien zott pou dire ki bon dieu koné kuma li pou fer ça ? Mais zott, zott pa kon naryen zott, tout kitsozes pou « *allahu a'lam* » ? Si li vré ça, a b kot bon dieu pou gagne l'éklairaze pou li éna l'ombraze et en plis, li pou kuver ça 7 katégoris dimounes là ? Soleil pou en bas, dan la mer ou lor la terre, selon ça bann récits et komentaires là, kuma li pou gagne l'ombraze ? Avek ki ? Zott pou truvé ki bann *mufasssiroun* mentionne plisirs kalités komentèrs lor ça verset là :

عن عطاء بن يسار تلا هذه الآية يوما: **وجمع الشمس والقمر**، ثم قال: يجمعان يوم القيامة، ثم يقذفان في البحر، فيكون نار الله الكبرى.

Enn zour, 'Ata ibn Yasir finn récite ça verset là : **Soleil et la lune pou rasemblé (réuni)** – ensuite li dire : Zour qiyamah ki zott pou zoine, ensuite zott pou ête zété **dan la mer** et ça li pou ête grand difé bon dieu (enfer) (*tafsir quran par ibn wahb : vol. 1, page 115, hadith 263 ; tafsir tabari : vol. 24, page 57 ; tafsir tha'labi : vol. 27, page 126 ; tafsir baghwi : vol. 5, page 183 ; tafsir zamkhashri : vol. 4, page 660 ; futuh al ghaib : vol. 16, page 161 ; ad dur al manthur : vol. 8, page 345 ; tafsir alusi : vol. 15, page 154 ; safwat at tafasir : vol. 3, page 461*).

قال ابن زيد، في قوله: (وَجُمِعَ الشَّمْسُ وَالْقَمَرُ) قال: جُمعا فُرُمي بهما في الأرض.

Ibn Zayd finnn dire, concernant so parole : **Soleil et la lune pou rasemblé (réuni)** : Zott pou réuni et ensuite zott pou ête zété **lor la terre** (*tafsir tabari : vol. 24, page 57 ; tafsir qasimi : vol. 9, page 363*).

عَنْ مُجَاهِدٍ، وَجُمِعَ الشَّمْسُ وَالْقَمَرُ [القيامة: ٩] قَالَ: كُورًا يَوْمَ الْقِيَامَةِ

Mujahid finnn dire concernant verset : **Soleil et la lune pou rasemblé (réuni)** : Zour qiyamah, zott pou ête agglomérés (réunis en enn sel masse) (*tafsir tabari : vol. 23, page 482, vol. 24, page 57 ; tafsir al wasit : vol. 4, page 391 ; ad dur al manthur : vol. 8, page 345 ; tawfiq ar rahman : vol. 4, page 399 ; as sahih al masbur : vol. 4, page 564 ; tafsir ma'moun : vol. 8, page 266 ; tafsir sam'ani : vol. 6, page 104*).

وَجَمَعَ الشَّمْسُ وَالْقَمَرُ أَي: جَمَعَهُمَا جَمِيعًا.

**Soleil et la lune pou rasemblé (réuni)** : c à dire zott pou réuni ensame (*tafsir quran par ibn abi zamanine : vol. 5, page 64*).

وَجُمِعَ الشَّمْسُ وَالْقَمَرُ أَي: جمع بينهما في ذهاب الضوء، فلا ضوء لواحد منها.

**Soleil et la lune pou rasemblé (réuni)** : c à dire : réuni zott 2 en faisant la limière (klarté ou rayons) disparèt. Zott pou népli éna limière (*ma'ani al quran : vol. 3, page 209 ; gharib quran : page 181 ; tibyan fi tafsir gharib quran : page 329 ; al hidaya ila bulugh an nihaya : vol. 12, page 7865 ; tafsir qasimi : vol. 9, page 363*).

وَجُمِعَ الشَّمْسُ وَالْقَمَرُ فيه أربعة أوجه: أحدها: أنه جمع بينهما في طلوعهما من المغرب [أسودين مكورين] مظلمين مقرنين. الثاني: جمع بينهما في ذهاب ضوءهما بالחסوف لتكامل إظلام الأرض على أهلها , حكاها ابن شجرة. الثالث: جمع بينهما في البحر حتى صار نار الله الكبرى.

**Soleil et la lune pou rasemblé (réuni)** : Ena 4 aspects posib : 1. C ki zott pou ête réuni au moment ki zott pé levé à l'ouest (2 kitsozes noirs ki réunis) ; 2. Zott pou ête réuni kan zott klarté pou disparèt par enn eklipse pou ki la terre vinn obskire totalema pou so bann habitants. C c ki ibn Shajara finnn avancé ; 3. Tous les 2 pou ête réunis dan la mer ziska ki li vinn grand difé bon dieu (*tafsir mawardi : vol. 6, page 153 ; tafsir nasfi : vol. 3, page 571*).

Ça difé là, ça mem l'enfer là ça ?

وَجَمَعَ الشَّمْسُ وَالْقَمَرُ أَي: جُمعا في ذهاب نورهما

**Soleil et la lune pou rasemblé (réuni)** : c à dire, zott pou ête réuni par disparition zott limière (*al wajiz : page 1154 ; ma'ani quran : vol. 5, page 252 ; tafsir baswit : vol. 4, page 391, vol. 22, page 486*).

**وَجُمِعَ الشَّمْسُ وَالْقَمَرُ** كالبعيرين القرينين قاله مقاتل وقال الكلبي: كالثورين العقيرين وقال الفراء والزجاج: أي جُمِعَا في ذهاب نُورِهما. وقال الكلبي المعنى: جُمع النوران، أو الضياءان.

**Soleil et la lune pou rasemblé (réuni)** : c kome 2 samos ki pross. C Muqatil ki finn dire ça. Al Kalbi finn dire : zott kuma 2 toros stériles. Al Fara et az Zujaj finn dire : C à dire zott finn réuni par disparition zott klarté. Al Kalbi finn dire : Signification là, c ki 2 limières ou 2 léclairazes finn zoine (*mu'jam kabir : vol. 9, page 209, hadith 9019 ; tafsir al 'Az ibn abdu salaam : vol. 3, page 393 ; ad dur al manthur : vol. 3, page 389 ; tafsir baswit : vol. 22, page 487*).

ثم من الناس من زعم أنهما يجتمعان يوم القيام كالبعيرين القرينين، أو الثورين العقيرين، فيلقيان في النار، ويعذبان بها.

Ensuite, éna dimounes ki dire ki zott pou ête réuni kome 2 samos avek kornes ou 2 toros avek kornes, pou zète zott dan difé et zott pou ête puni (soleil et la lune) par ça (*tafsir matardi : vol. 10, page 341*).

Ici, li dire pou zète zott dan difé tandis ki soleil mem enn difé !

**وَجُمِعَ الشَّمْسُ وَالْقَمَرُ** أي: في الحسفة وإذهاب الضوء. ثم يلقيان في النار فيصيران نارا على الكفار.

**Soleil et la lune pou rasemblé (réuni)** : c à dire par enn eklipse et zott klarté pou disparèt. Ensuite, ensuite pou zète zott dan difé et zott pou vine difé pou bann infidèles (*tafsir sam'ani : vol. 6, page 104*).

Dépi Xistence soleil ou la lune, komié éklipses finn éna ? Zott koné et zott finn fer kompte ? Komie qiyamah finn éna ?

**وَجُمِعَ الشَّمْسُ وَالْقَمَرُ** أي جُمِعَ بَيْنَهُمَا فِي ذَهَابِ ضَوْئِهِمَا فَلَا ضَوْءَ لِلشَّمْسِ كَمَا لَا ضَوْءَ لِلْقَمَرِ بَعْدَ حُسُوفِهِ.

**Soleil et la lune pou rasemblé (réuni)** : c à dire, zott pou ête réuni ente zott par disparition zott éklairaze. Soleil pou népli éna klarté, pareil pou la lune et c ça so l'eklipse (*tafsir qurtubi : vol. 19, page 96*)

**وَجُمِعَ الشَّمْسُ وَالْقَمَرُ** كالثورين المقرونين العقيرين الأسودين فيُزْمِي بهما في حجاب النور

**Soleil et la lune pou rasemblé (réuni)** : kuma 2 toros avek kornes, stériles, noirs et pou zète zott dan purdah de limière (*tanwir miqyas : page 493*).

Dan tous c ki mo finn mentioné kome komentèrs bann *mufasssiroun*, nou remarké ki la lune oussi pou lève à l'ouest. Eski zott finn déza tendé ça ? Pou soleil nou finn tendé zistoire ki rakonté, mais pou la lune, éna ça ? Si kikaine kon enn référence lor là, ki li fer moi koné, pou ki zott pa dormi diboutes ar ça bann zistoires là, ok ?

C ki drôle là dan, c ki nou pa truve enn hadith ki pou kapav xplik ça verset là : soleil et la lune pou rasemblé (réuni).

لَا تَقُومُ السَّاعَةُ حَتَّى تَطْلُعَ الشَّمْسُ مِنْ مَغْرِبِهَا

Ler pa pou éna lieu tant ki soleil pa lève dan so l'ouest (*bukhari : vol. 4, livre 54, hadith 421, vol. 6, livre 60, hadith 158, 159, vol. 8, livre 76, hadith 513, vol. 9, livre 88, hadith 237, livre 93, hadith 520 ;*

muslim : livre 35, hadith 6525, livre 37, hadith 6644, livre 41, hadith 6932, 7025, 7039, 7040 ; abu dawood : livre 14, hadith 2473 ; tirmidhi : vol. 2, livre 1, hadith 598 ; ibn maja : vol. 1, livre 5, hadith 1161, vol. 5, livre 36, hadith 4041, 4056, 4068, 4069 ; ahmad : vol. 1, page 220, hadith 176, vol. 12, page 78, hadith 7161, vol. 13, page 486, hadith 8138, vol. 14, page 442, hadith 8850, vol. 15, page 90, hadith 9171, vol. 16, page 500, hadith 10859 ; ibn hibban : vol. 15, page 252, hadith 6838 ; sunan kubra : vol. 9, page 304, hadith 18616 ; kanz ummal : vol. 14, page 206, hadith 38407, page 348, hadith 38896).

Kan nou dire soleil zoine la lune, eski nou oulé dire ki enn ente les 2 pou kit so l'orbite pou alle vers lot ? » Mais quran dire :

وَالشَّمْسُ تَجْرِي لِمُسْتَقَرٍّ لَهَا ۖ

Soleil li mars vers so demeure (enn orbite) (36/38).

وَهُوَ الَّذِي خَلَقَ اللَّيْلَ وَالنَّهَارَ وَالشَّمْسَ وَالْقَمَرَ ۚ كُلٌّ فِي فَلَكٍ يَسْبَحُونَ

C li ki finn kré la nuit et li zour, le soleil et la lune, sakaine vogue lor enn l'orbite (21/33).

Eski li zour et la nuit mars lor enn l'orbite ?

Apré li dire :

لَا الشَّمْسُ يَنْبَغِي لَهَا أَنْ تُدْرِكَ الْقَمَرَ... وَكُلٌّ فِي فَلَكٍ يَسْبَحُونَ

Soleil, li pa konvenab pou li all zoine la lune... sakaine mars lor so l'orbite (36/40)

Li parèt ki ça verset là kontredire verset 75, sura 9. Mais bann komentatèrs quran – mufassiroun – dire ki ça verset là (36/40) pé fer référence dan la vie ça le monde tandis ki verset précédent (75/9) pé fer référence zour qiyamah. A nou get enn koup ki zott finn dire :

فَإِذَا اجْتَمَعَا وَادْرَكَ كُلُّ وَاحِدٍ صَاحِبَهُ قَامَتِ الْقِيَامَةُ.

Kan zott réuni, sakaine so kamarade, qiyamah pou éna lieu (tafsir tha`labi : vol. 22, page 278).

قال الله في حال يوم القيامة **وَجُمِعَ الشَّمْسُ وَالْقَمَرُ** [القيامة: ٩]

Bon dieu dire concernant événema zour qiyamah : **Soleil et la lune pou rasemblé (réuni)** (al hidaya ila bulugh an niyaha : vol. 9, page 6037)

وقيل: يدرك أحدهما الآخر بخلاف الدنيا لقوله: **لَا الشَّمْسُ يَنْبَغِي لَهَا أَنْ تُدْرِكَ الْقَمَرَ**, [يس: ٤٠]

Zott dire : Enn pou zoine l'ote kontrèma à ça le monde là d'après so parole : **Soleil, li pa konvenab pou li all zoine la lune** (lubab tafasir : page 3448).

فَإِذَا جَاءَ وَقْتُ الْقِيَامَةِ أَذْرَكَ كُلُّ وَاحِدٍ مِنْهُمَا صَاحِبَهُ وَاجْتَمَعَا

Kan ler qiyamah finn arivé, sakaine pou zoine so kamarade et zott pou réuni (tafsir razi : vol. 30, page 724).

وَمَا كَانَ هُمَا أَنْ يَجْتَمِعَا قَبْلَ ذَلِكَ الْوَقْتِ.

Zott pa éna droit réuni avan ça ler là (qiyamah) (*adwa al bayan : vol. 8, page 437*).

إِلَى أَنْ يَأْتِيَ أَمْرُ اللَّهِ فَيَخْسِفُ الْقَمَرَ وَتَكْسِفُ الشَّمْسُ وَيَجْمَعُهُمُ اللَّهُ.

Ziska ki komandema bon dieu vini, ler là soleil et la lune, tous le 2 pou eklipsé et bon dieu pou réuni zott (*tafsir quran par usama sulayman : vol. 22, page 6*).

عطاء بن يسار: يجمع بينهما يوم القيامة ثم يقذفان في البحر.

‘Ata ibn Yasar dire : Zott pou ête réuni zour qiyamah ensuite pou zète zott dan la mer (*tafsir hadaiq ruh : vol. 30, page 443*).

Pou la lune, éna 2 versets concernant qiyamah et so l’apross :

اِفْتَرَبَتِ السَّاعَةُ وَانْشَقَّ الْقَمَرُ

Ler finni fini aprossé et la lune inn fini fann (54/1).

Pou la lune ki finni fann en 2, mo finni déza met enn post lor là et mo pou ré-posté li pli tard.

وَخَسَفَ الْقَمَرُ

La lune inn fini eklipsé (75/8).

Dan ça 2 versets là, nou truvé ki quran inn servi le passé, pa le présent ou le futur. « Finni fini aprossé », « inn fini fann » et « inn fini eklipsé ». Mo pa rappel si enn verbe au passé en arabe, li kapav dire le présent ou le futur en les otes langues. Mais li parèt un peu drôle ! Eski la lune pou eklipsé selma ça zour là ? Komié eklipses la lune finni éna dépi so Xistence ? Komié qiyamah finni éna ? Eski quran xplik ki li été ça eklipse soleil ou la lune là ? Ou bien la science moderne ki finni fer li ?

Lor soleil, dan hadiths nou gagne bann kitsoze ki contraire à ça bann citations là. La dan, li dire ki soleil pou vine si tant près, ki dimounes so la sueur pou arive la moitié zott zoreil. :

وَقَالَ إِنَّ الشَّمْسُ تَدْنُو يَوْمَ الْقِيَامَةِ حَتَّى يَبْلُغَ الْعَرَقُ نِصْفَ الْأُذُنِ.

Et li dire : Soleil pour aprossé ziska ki la sueur arive kot la moitié zoreil (*bukhari : vol. 2, livre 24, hadith 553 ; mu'jam awsat : vol. 8, page 310, hadith 8735 ; majma'u zawaaid : vol. 10, page 371, hadith 18498*).

وَتَدْنُو مِنْهُمْ الشَّمْسُ، فَيَقُولُ بَعْضُ النَّاسِ أَلَا تَرَوْنَ إِلَى مَا أَنْتُمْ فِيهِ، إِلَى مَا بَلَعَكُمْ،

Soleil pou apross zott et certains dimounes pou dire : Zott pa truvé dan ki situation zott été ? Kot li finni amène zott (*bukhari : vol. 4, livre 55, hadith 556 ; ahmad : vol. 15, page 385, hadith 9233*) ?

وَتَدْنُو الشَّمْسُ، فَيَبْلُغُ النَّاسَ مِنَ الْعَمِّ وَالْكَرْبِ مَا لَا يُطِيقُونَ وَلَا يَحْتَمِلُونَ فَيَقُولُ النَّاسُ أَلَا تَرَوْنَ مَا قَدْ بَلَعَكُمْ

Soleil pou aprossé. Dimounes si tant pou affligés et angoisés, ki zott pa pou kapav suporté et saryé. Dimounes pou dire : Zott pa truvé kot situation finni amène zott (*bukhari : vol. 4, livre 55,*



*hadith 581, vol. 6, livre 60, hadith 236 ; muslim : livre 1, hadith 378 ; tirmidhi : vol. 4, livre 11, hadith 2434 ; ahmad : vol. 15, page 385, hadith 9623 ; musnad abdullah ibn mubarak : page 61, hadith 101 ; ibn abu chaybah : vol. 6, page 307, hadith 307, hadith 31674 ; kanz ummal : vol. 14, page 392, hadith 39051) ?*

Dan tous ça bann hadiths là, nou truvé ki soleil pou raprossé, mais péna la lune, ni zott pou zoine, ni pou zète zott dan la mer ou la terre ou dan difé ! Eski zott pé komprend là ?

Zott xkize moi si mo finn alle impé en dehors sujets. Mo finn fer ça zist pou ki enn mizilman koné ki finn arivé et ki pé arivé dan ça relizion ki zott appel islam là !

A nou kontinué :

Pou enn kitsoze éna l'ombraze, li bizin enn kitsoze solide, éna enn forme. Ki forme bon dieu pou éna ? Forme enn zome ? Ou bien enn l'ote forme ? Mo pé dire zome, parski, kuma nou pou gé t dan les otes postes, bon dieu ressemblé li boukoup.

Dan quran, mo pa kroire ki bon dieu inn koz lor so l'ombraze. Le mot **thill** in mentioné 1 fois mais péna aukaine référence à ombraze bon dieu. Get 77/30. Le mot **ath-thill** mentioné 3 fois : 25/45 ; 28/24 ; 35/21. Le mot **thilaal** mentioné 2 fois : 36/56 ; 77/41. Aukaine place pa mentione ombraze bon dieu.

Plis tard nou pou get bann hadiths lors forme ki bon dieu pou éna ça zour là.

عَنْ أَبِي هُرَيْرَةَ، قَالَ: قَالَ رَسُولُ اللَّهِ: إِنَّ اللَّهَ يَقُولُ يَوْمَ الْقِيَامَةِ: أَيْنَ الْمُتَحَابُّونَ بِجَلَالِي، الْيَوْمَ أَظْلُهُمْ فِي ظِلِّي يَوْمَ لَا ظِلَّ إِلَّا ظِلِّي.

Abu Hurayra pé dire : Bon dieu so messenger inn dire : Bon dieu pou dire zour qiyamah : Kot bann ki ti éna l'amour pou mo grandèr ? Azordi, mo pou met zott dan mo l'ombraze, zour kot pa pou éna l'ombraze xcepté mo l'ombraze (*muslim : livre 32, hadith 6225 ; muatta : vol. 2, page 131, hadith 2005 ; musnad abdullah ibn mubarak : vol. 5, hadith 5 ; ahmad : vol 12, page 169, hadith 7232, vol. 14, page 168, hadith 8455, page 427, hadith 8832, vol. 16, page 455, hadith 10780, page 521, hadith 10911, vol. 28, page 389, hadith 17157, vol. 32, page 185, hadith 19439 ; darimi : vol. 2, page 911, hadith 2788 ; sunan kubra : vol. 10, page 393, hadith 21067*).

عَنْ أَبِي هُرَيْرَةَ، قَالَ قَالَ رَسُولُ اللَّهِ مَنْ أَنْظَرَ مُعْسِرًا أَوْ وَضَعَ لَهُ أَظْلَهُ اللَّهُ يَوْمَ الْقِيَامَةِ تَحْتَ ظِلِّ عَرْشِهِ يَوْمَ لَا ظِلَّ إِلَّا ظِلُّهُ.

Abu Hurayra finn raporté ki messenger de dieu finn dire : Celui ki donn le temps à enn dimoune ki dan difikilté ou bien éface so dette, bon dieu pou donn li l'ombraze en bas l'ombraze so trône zour qiyamah, zour kot pa pou éna l'ombraze Xcepté so l'ombraze (*muslim : livre 42, hadith 7149 ; tirmidhi : vol. 1, livre 12, hadith 1306 ; ibn abi chaybah : vol. 4, page 465, hadith 22169, page 547, hadith 23021 ; musnad ishaq ibn rahawiya : page 902 ; ahmad : vol. 14, page 329, hadith 8711, vol. 24, page 279, hadith 15521 ; darimi : vol. 2, page 850, hadith 2606, vol. 3, page 1686, hadith 2630 ; musnad bazzar : vol. 15, page 343, hadith 8906 ; musnad as-sahashi : vol. 3, page 135, hadith 1202, 1203, page 405, hadith 1527, 1528, 1529 ; ibn hibban : vol. 11, page 424, hadith 5044 ; tabarani mu'jam kabir : vol. 19, page 106, hadith 214, page 165, hadith 372, vol 19, page 166, hadith 374, page 168, hadith 379, page 170, hadith 380 ; tabarani mu'jam swaghir : vol. 1, page 349, hadith 581 ; tabarani mu'jam awsat : vol. 1, page 270, hadith 879, vol. 4, page 254, hadith 4124, page 294, hadith 4241, vol. 5, page 184, hadith 5022, vol. 8, page 154, hadith 8248 ; mustadrak 'ala sahihayne : vol. 2, page 33, hadith 2224 ; musnad*



*shihab : vol. 1, page 281, hadith 459 à 462 ; sunan kubra : vol. 5, page 584, hadith 10975 ; majma'u zawaaid : vol. 4, page 134, hadith 6667 ; kanz ummal : vol. 6, page 214, hadith 15391).*

عَنْ أَبِي هُرَيْرَةَ، عَنِ النَّبِيِّ قَالَ سَبْعَةٌ يُظِلُّهُمُ اللَّهُ فِي ظِلِّهِ يَوْمَ لَا ظِلَّ إِلَّا ظِلُّهُ ...

Abu Hurayra finn dire ki prophet finn dire : Ena sept (dimounes) ki bon dieu pou donn zott so l'ombraze, zour kot pa pou éna l'ombraze Xcepté so l'ombraze... (*bukhari : vol. 1, livre 11, hadith 629, vol. 2, livre 24, hadith 504, vol. 8, livre 82, hadith 798 ; muslim : livre 5, hadith 2248 ; tirmidhi : vol. 4, livre 10, hadith 2391 ; nasai : vol. 6, livre 49, hadith 5382 ; muatta : vol. 2, page 952, hadith 14, vol. 5, page 1389, hadith 3505 ; ahmad : vol. 15, page 414, hadith 9665 ; ibn khuzayma : vol. 1, page 185, hadith 358 ; ibn hibban : vol. 10, page 338, hadith 4486, vol. 16, page 332, hadith 7338 ; mu'jam awsat : vol. 6, page 251, hadith 324 ; sunan kubra bayhaqi : vol. 8, page 280, hadith 16647, vol. 10, page 149, hadith 20160*)

عَنْ أَبِي الْيَسْرِ، صَاحِبِ النَّبِيِّ قَالَ قَالَ رَسُولُ اللَّهِ مَنْ أَحَبَّ أَنْ يُظِلَّهُ اللَّهُ فِي ظِلِّهِ - فَلْيَنْظُرْ مُعْسِرًا أَوْ لِيَضَعَ لَهُ.

Abu Yasar – compagnon prophet finn dire : Messenger de dieu finn dire : Celui ki kontent ki bon dieu donn li de so l'ombraze – ki li donn répi enn dimoune en difikilté ou ki li laisse tombé (so dette) (*ibn maja : vol. 3, livre 15, hadith 2419 ; sunan kubra bayhaqi : vol. 6, page 45, hadith 11134*).

Si nous dire – supposé – ki 1, 000, 000 mizilmans pou gagne l'ombraze bon dieu ou bien so trône, a b ki grandèr ki li bizin été ça l'ombraze là pou li kapav kuver tout ça là. Si zott dire ki li pa dan sens propre ici, mais figiré, mo pou dire kuma zott kon ça zott ? Bann hadiths là mem pruvé ki li dan sens propre ça parski li dire : « zour kot pa pou éna l'ombraze xcepté so l'ombraze ». Oussi, l'ombraze là bizin dan tout koté, pa enn sel koté kuma nou koné ki soleil ou la lune fer ar nou et nou l'ombraze !

Get bien ki dan hadiths li dire (i) mo l'ombraze, (ii) so l'ombraze et (iii) l'ombraze so trône ! Lekel ki bon là dan ? Eski tous les 3 bons ? Mo sire ki zott pou dire oui !

A nou get bann récits ki dire ki prophet là pa **ti éna l'ombraze** :

ومنها أنه كان إذا مشى في الشمس لم يكن له ظل لشدة نوره.

Parmi ça, éna, kan li ti pé marsé dan soleil, li pa ti éna l'ombraze à koz so limière ardent (*khasais sayyid 'alamin : page 516*).

عن ابن عباس: لم يكن لرسول الله ظل.

Ibn Abbas finn dire : Messenger de dieu pa ti éna l'ombraze (*imta'ul asma' par ahmad ibn abdullah al ghadafi : vol. 2, page 170 ; muntaha al soul : vol. 1, page 253 ; al wafa bi ta'rif mustafa : vol. 1, page 304*).

عن ذكوان أن رسول الله لم يكن يرى له ظل في شمس ولا قمر.

Thakwan dire ki pa ti truve, pou messenger de dieu l'ombraze, ki dan enn soleil ou enn lune (*khasais al kubra : vol. 1, page 116, 122*).

قَالَ ابْنُ سَبْعٍ مِنْ حَصَائِصِهِ إِنْ ظَلَّهُ كَانَ لَا يَقَعُ عَلَى الْأَرْضِ وَأَنْهُ كَانَ نُورًا فَكَانَ إِذَا مَشَى فِي الشَّمْسِ أَوْ الْقَمَرِ لَا يَنْظُرُ لَهُ ظِلٌّ .

Ibn Sab' finn dire ki parmi so bann partikilarités, c ki so ombraze pa ti pé touss la terre et li ti enn limière. Kan li ti pé marsé dan soleil ou la lune, pa ti pé truve so l'ombraze (*khais al kubra : vol. 1, page 116*).

وكونه لم يكن له ظل في شمس ولا قمر لأنه نور كله.

Par le fé ki la pa ti éna l'ombraze dan soleil ou la lune parski li ti toute la limière (*takhjil min harf tawrat wa injeel : vol. 2, page 864*).

لَأَنَّ جَسَدَهُ نُورٌ لَا يَحْجُبُ مَا وَرَاءَهُ وَلِذَا لَمْ يَكُنْ لَهُ ظِلٌّ

Parski so le korps enn limière, c ki derière li pa kasiete. C pourkoi ti pa ti éna l'ombraze (*ghurar bahiyya : vol. 4, page 90*).

من أنه كان لا ظل لشخصه في شمس ولا قمرٍ لأنه كان نورًا أي بنفسه والنور لا ظل.

C ki fé ki li pa ti éna l'ombraze, ni dan soleil, ni pou la lune, à koz so personnalité. C parski li ti limière, c à dire dan li mem et la limière péna l'ombraze pou li (*sharh shifaa : vol. 1, page 754*).

وَيُرَوَّى أَنَّ النَّبِيَّ كَانَ إِذَا مَشَى لَمْ يَكُنْ لَهُ ظِلٌّ.

Finn raporté ki prophet, kan li ti pé marsé, zamé li ti éna l'ombraze (*taj al 'arus : vol. 29, page 415*).

ولهذا كان لا ظل له لأن النور الذي أفيض عليه منع من حجب الظلمة.

Pou ça raizon là, li pa ti éna l'ombraze, parski la limière ki finn verse lor li, empess éna noirté (ombraze) (*faid ul qadir : vol. 1, page 145*).

وأنه إذا مشى في الشمس أو في القمر لا يكون ظل لأنه كان نورًا.

C parski, kan li mars dan soleil ou la lune, li péna l'ombraze parski li enn limière (*sira halibiya : vol. 3, page 423*).

وعن النيسابوري: إنما لم يكن له ظل لأنه كان لا يكتب.

An-nisaaburi dire : Li simplema pa ti éna l'ombraze parski li pa ti pé ékrire (*fataawa khalili : vol. 1, page 57*).

Aster là, si nou get quran ki dire lor prophet, li facile pou komprend ki li ti enn zome pareil kuma tous zomes sauf ki li ti gagne révélation :

قَالُوا مَا أَنْزَلَ اللَّهُ عَلَى بَشَرٍ مِنْ شَيْءٍ ۚ

Zott dire : Bon dieu pa finn révèlè naryen lor enn zome (6/91).

قُلْ إِنَّمَا أَنَا بَشَرٌ مِّثْلُكُمْ يُوحَىٰ إِلَيَّ

Dire : Mo enn zome pareil kuma zott et révélation vinn ar moi (18/110 ; 41/6).

مَا أَنْتَ إِلَّا بَشَرٌ مِّثْلُنَا

To simplema enn zome kuma nou (26/154, 186) !

قُلْ لَا أَقُولُ لَكُمْ عِنْدِي خَزَائِنُ اللَّهِ وَلَا أَعْلَمُ الْغَيْبِ وَلَا أَقُولُ لَكُمْ إِنِّي مَلَكٌ ۚ إِنِّي أَتَّبِعُ إِلَّا مَا يُوحَىٰ إِلَيَّ ۚ

Dire : Mo pa dire zott ki mo éna avek moi trézors bon dieu, ni mo éna konaisance de l'invisibe. Mo pa dire zott ki mo enn anze, mo zist suive c ki pé révéle à moi (6/50 ; 11/31).

Si nou prend verset quran kompte, nou truvé ki prophet là ti pareil kuma nou en tant ki zome. Mo pa pou rente dan détails parski mo éna l'intention révinn lor là.

Aster là, nou get prèves ki li ti éna l'ombraze :

عَنْ عَائِشَةَ... فَبَيْنَمَا أَنَا يَوْمًا بِنَصْفِ النَّهَارِ، إِذَا أَنَا بِظِلِّ رَسُولِ اللَّهِ مُقْبِلٌ.

Aisha finn raporté : ... Enn zour, pendant ki mo ti dan la mi zourné, mo finn truve prophet so l'ombraze pé aprossé (*ahmad : vol. 11, page 463, hadith 25003 ; mu'jam awsat : vol. 3, page 99, hadith 2609 ; majma'u zawaaid : vol. 4, page 323, hadith 7696*).

عن عبد الله بن جبير الخزاعي أن رسول الله كان يمشي في أناس من أصحابه فستر بثوب فلما رأى ظله.

Abdullah ibn Khazari dire ki messenger de dieu ti pé marsé parmi bann dimounes de so kompagnons et zott finn kasiete li avek enn linge et kan zott finn truve so l'ombraze... (*ahadith mukhtara : vol. 9, page 134, hadith 117*).

وأما ما زعمه ابن حجر... وأنه لم يكن له ظل لكونه نورًا صرًا فهو من مجازاته.

Kan à prétention d'ibn Hajar ... ki li (prophet) pa ti éna l'ombraze parski li ti enn limière c parmi so bann mank de sérié et frivolité (*Aaraa ibn hajar al haithami al I'tiqadiya : page 458*).

يرد الشيخ على دعوى فرقة (البريلوية) الذين يعتقدون أن النبي لا ظل له، فيقول: هذا القول باطل مناف لنصوص القرآن والسنة الصريحة الدالة على أنه بشر لا يختلف في تكوينه البشري عن الناس وأن له ظلاً كما لأي إنسان.

Sheik (abdul razzaq) finn réfute prétention secte bareylwi, bann ki kroire ki prophet pa ti éna l'ombraze et li dire : ça c enn fausse parole, contraire à quran et sunnah direct, ki prouve ki li ti enn humain, péna diférence dan so formation humain ar les zott dimounes. Li ti éna l'ombraze pareil kuma tous dimounes (*manhaj sheikh abdul razzaq : page 706 ; fataawa lajna daima : vol. 1, page 464 ; islam su'al wa jawab : vol. 1, page 215, no. 75395*).

وأما ما ورد من صفته أنه ليس له ظل فلم أقف له على إسناد يعتمد عليه، ولم يذكرها الأئمة الذين يعتنون بذكر صحيح الأخبار في مصنفاتهم المشهورة.

Kan à c ki finn raporté de so karaktéristiks, ki li pa ti éna l'ombraze, mo pa finn truve naryen lor ki nou kapav dépann et bann imams ki dépann lor bann information authentik pa finn mentione naryen dan zott bann livres konus (*fataawa istisharaat al islam al yawm : vol. 16, page 67*).

ومن خرافاته أن النبي لم يكن له ظل على الأرض.

Parmi so (Muhammad Nathim) bann superstitions, éna ki prophet zamais li ti éna l'ombraze ki tom lor la terre (*mawsu'at al firaq : vol. 8, hadith 263*).

Konklizion :

Bon dieu pou éna l'ombraze zour qiyamah (pa pendant la vie ça le monde là), tandis ki prophet pa ti éna ombraze dan ça le monde là. Eski li pou éna l'ombraze zour qiyamah ? Zist pou pa kroire.

Mo finn donn enn kalkil le temps ki enn dimoune prend pou alle zoine bon dieu lor 7° le ciel, lor so trône.

Si bon dieu là bas, et soleil, ki fer ombraze, li en bas le ciel pli pross ek la terre, kuma li pou fer li gagne ombraze et kot ombraze là pou situé ? Enkor, si nou dire ki soleil (ek la lune) pou zète dan la mer ou lor la terre ou dan difé ?

Si nou kalkil 1, 000, 000 dimounes ki pou gagne l'ombraze là, a b ki grandèr li bizin été ?

Voilà c ki mo finn gagné. Mo présente 1,000 xkizes pou ça longue traité ki mo finn fer, ki parfois parèt en dehors sujet « ombraze bon dieu ». Mais mo pen c ki zott finn gagne enn idée lor là. Pli tard mo pou ré-vinn lor sujet prophet, so limière, so kréation, et mo pou montré zott komié fausseté éna dan islam, parmi tous bann sectes ki xistés là dan.

Bonn lektire et à biento !